



秋崖先生小篆卷之十四

啓

代賀余寺丞

方

岳

匡山

伏審捷音西上除目東來雪夜馳至蔡城不專羨於
李愬風聲走之泚水今復見於謝安否則孤城其殆
哉吾有此客亦重矣蓋自韃敢盜邊而凌中夏所謂
發不恤緯而憂宗周孰嬰其鋒徒得賣降之健將愈
肆其毒久輕效死之無人既殘浮光而逞焉若曰安
豐特易耳氣吞堅壁夜合重圍不量羶裘貪得之愚
直有靴尖蹴破之意懼亡無日卻敵者誰自非某官
以國之蓋臣爲今之儒帥共話對床之風雨屢吐壯

懷誓清並塞之煙塵輒張怒髮則何以脫生靈於虎
口挫強虜之狼心上嘉乃勲休有成命某作爲凱樂
顯後班師寧失智高雖頭顱之可辨盡遜卻克何肝
膽之相知式對絲綸勉旃竹帛

代賀杜安撫

伏審渙發綸函晉登藩岳勲業聿高於肥水聲威詎
播於淮壖恭惟國之蓋臣今之儒帥崇詩書說禮樂
窺聖域之妙而探其心安邊境立功名關武夫之口
而奪之氣此所謂有用之學賴以濟多難之時故雖
鼙鼙之夜啤頓驚風鶴而宵遁肆放一札增重十連
帝曰俞哉有夷吾而何患功亦偉矣召季布而可知
某聞命云初愬風以喜兩淮猶左右手正資運掉之

勞九重披輿地圖更竚經綸之畧敢因慶幅泚贊壯
猷

代賀趙刑郎

伏審光奉紫泥之詔入踐白雲之司天地之德曰生
庶幾刑措祖宗以仁相授謹簡卽潛乃瞻麟宗咨平
犴獄蔡惟玉瓚黃流之醲郁冰壺朱紘之勁清繇浙
以西有羨間平之經術維斗之北於皇齊魯之福星
正茲大厦之賀成端以小秋而召去民曰奪吾父矣
帝其得賢臣焉獨提丹筆之春已傳呂命徑荷紫囊
之橐聿矢臯謨某蚤所傾心喜而舞手贈以芍藥敢
不書于張之紳報之瓊瑤久欲聽鄭崇之履輕芹塵
瀆別楮眎陳

代賀傅右司

伏審渙發宸綸晉登臺轄左右司學爲丞相聖訓有
之天下事皆在都曹職任隆矣惟此名家之彥足爲
有國之華恭惟忠義相傳詩書自許思昔乃祖膝不
屈於穹廬至今裔夷瞻尚寒於旄節此殆唐第一人
之季揆豈惟漢十九年之子卿天實鑒之代有聞者
顧此艱難之會孰釐叢委之司乃睠譽髦佐吾元老
密勿巖廊之邃相業在茲清華禁橐之嚴師言具矚
某猥分邊閫遙企朝班端覽暘暉幸際孤鳳凰之瑞
願受陰賜敢忘雙鯉魚之書

代賀黃檢詳

伏審密勿廟謨討論基命赤白囊之旁午渴聞帷幄

之籌東西府之同寅增重巖廊之勢一賢進矣四達
翕如恭惟博大而裕和高明而肅括文能附衆武能
威敵無兢維人退思補過進思盡忠不遐有佐帝曰
邊烽之未靖卿其樞極之是陪庶以贊萬微之幾且
將制千里之難蓋真儒用而天下無敵何憂狐兔之
群今有德進而朝廷益尊端遙夔龍之武某逖聞出
綍喜欲振纓足食足兵皆願受其陰賜且耕且戰惟
肅稟於成謨

代賀韓檢正

伏審渙發綸函晉陪政路與大臣上下其議論相業
在焉惟吾儒明習於典章國是定矣永言雅望簡在
清衷恭惟忠義相傳風流是似惟先王佐中興之運

有大勲勞繫皇穹嘉貫日之精生賢輔佐言語妙於
天下智略湊於上前屬時多難光贊元老斷國論而
謀王體惟克彌綸騰茂實而蜚英聲遙觀經濟行踐
禁塗之邃睠言寵渥之新某竊仰令猷忻聞成命聖
賢相逢張治具不在茲乎日月獻納爲侍臣無出右
者敬修慶積式竦贊書

代賀史督相

伏審參持國柄董護戎昭江左有夷吾而復何憂正
資妙畧中國相司馬而無生事坐折遐衝天啓聖心
睠維王佐恭惟濟時以治安之策致主以太平之書
南鄭相北鄭相而譜世家豈特衣冠之盛大馮君小
馮君而難兄弟並關宗社之休薦紳竊仰其經綸旒

冕渴聞其論議夜下庚牌之召席前丙枕之安廟謨
獨斷於一言國勢重增於九鼎予惟克邁乃訓已聲
嘉猷天將降任是人遂陪政路肆颺大冊兼總全師
蓋宰相外撫四夷允賴精神之運惟天子明見萬里
迄成道德之威遄俟公歸丕承帝賚某猥縻相寄莫
遑庭班瞻彼熊旂徒有執干戈之志已窮鼉技願賡
洗兵馬之詩是開休顯之期式慶明良之會

代賀杜制置

伏審進班司府分相藩垣謝元城淝水之勲彼酋其
道裴度任淮西之寄我武維皇諒草木之皆兵後關
河之入貢恭惟以少陵之詩名而自比於稷契以阿
房之賦手而高論於唐虞精神之折遐衝不愆于素

謀慮之愔劬敵克壯其猶故能全孤城於百戰之餘
於此見真儒爲萬人之傑既勒銘於卅地乃授鉞於
青冥顧惟風塵瀕洞之秋要有意氣激昂之暇平居
推赤心而置人腹其孰不懷緩急蹈白刃則得士情
何戰弗克矧天意之滅虜適歲星之照吳國豈賴盟
兵毋撤警惟事事備乃其無患願修軍旅之定規言
人人殊則罔成功更極賓僚之高選聿觀偉業丕對
殊褒其密邇鄰光驩傳帝賚闡以內闈以外喜盡寄
於瓜牙陝以東陝以西賴相依於唇齒

代賀游吏書

伏審渙放一札晉長六卿尚書古之納言無易瑣闈
之拜治官周之冢宰獨專銓選之權國有人焉才無

遺者恭惟親傳伊洛之學妙摘河漢之辭蜀道難於
青天纒此山川之秀故國非有喬木凜乎文獻之尊
上嘗歷數西州之英曰孰可與東坡而並歎鶴山其
已矣孰能叢之渺然乃得公於草廬之中欲致治於
簡編之盛有謀猷入告于后共談虎觀之經非仁義
不陳於王屢却鸞臺之敕粵從人望擢冠禁塗惟茲
遴選之班自昔奮庸之地前裴馬而後盧李豈專美
於唐人左授尚而右臯夔竹疇咨於舜典某述聞除
目坐隔邊頭能世俗書取觀山濤之啓事爲朝廷喜
竊想鄭崇之履聲遡江以南維斗之北

代賀許兵書

伏審於皇周誥之華就正夏卿之位丈夫即爲真耳

以假爲國人皆曰賢焉夫然後用維上所倚濟時
之難恭惟太嶽之宗神山之秀議論度越諸子蔚爲
當世之典刑文章自成一家變絕尋常之畦運粵代
言於禁苑滋簡眷於宸襟乃躋甘泉法從之班誕緝
周官司馬之政蓋文事必有武備烏可岐而二之今
內率精多外憂孰能定于一者坐制此虜端在吾儒
與言邊境之日騷竊憤胡星之未賈類年入塞妄意
欽江龍非折筮而筮直欲投鞭而渡如曰舉天墜而
與之共恐或不然要當立砥柱而爲之防庶幾其可
惟士大夫毀家而紓楚國之難俾聖天子制挺而捷
秦人之兵則吾免於魚乎不然憂未歇也厥有廟筭
以張皇綱某敢誦所聞恃以自壯真儒用而天下無

敵言觀帷幄之籌有德進而朝廷益尊邁正鈞衡之
柄其爲期嚮莫旣蘊悰

代賀蔣諫議

伏審簡自中宸擢居正諫粵躋橫榻得李勉而朝廷
始尊斗上大坡用仲淹而士夫相賀蓋以久持天下
之正其必能格君心之非求惟治亂之端在小人與
君子此其消長之道非宰相則諫官肆吾祖宗立國
以來盡洗秦漢諱言之習聽納之盛載籍所無是知
繫朝熙洽之休正賴諸老箴規之力茲實主上用公
之至意豈但先生執政之緊頭恭惟質堅百鍊而愈
精節貫四時而不改仕者皆嚴憚黯已消落膽之姦
帝曰無以易堯當有沃心之論竊窺聖德時憲天聰

雖艱難有甚於絲棼而恭儉本無於袞闕惟是外則
桀驚不臣之虜久矣鴟張內則器讎不靖之兵敢於
狙詐事孰大於此者時其條而上之非仁義不陳於
前可使主憂而臣辱有謀猷入告于后所願乾清而
坤夷其越在邊城莫瞻朝著稱慶曆者曰四諫尚能
賡祖徠之詩今陽城號爲一賢何待作昌黎之論敢
無動色傾聽嘉言

代賀林侍御

伏審出綸西掖執憲南床天子明明用臯陶而不仁
者遠矣王臣蹇蹇如行父見無禮者誅之茲得一賢
重增九鼎恭惟二典三謨之學問五音六律之辭章
觀經世之宏規雖伊管未能遠過讀責難之確論非

仁義不敢前陳適當不諱之朝夕立得言之地接武
夔龍造羽鶴鷺綴赤墀供奉之班當道豺狼安問狐
狸凜白筆抨彈之志使顏跖忠邪之莫辨雖堯舜聰
明而柰何矧今士習之媮未明國是之定憐門如鼠
穴而不可塞弊事如蝟毛而不可爲外之則黠虜之
鴟張內之則驕兵之狙詐勿用小人必亂邦也誰當
共濟於艱難不有君子其能國乎時則渴聞於忠讜
願言密勿悉意敷云庶幾回事變於危急之秋或可
觀德化於頌史之頃其遯居邊瑣欣誦宸綸有爭臣
者七人遯底臯謨之積舉明主於三代願聞說命之
篇敢不濡毫以需染牘

代賀李右史

伏審渙發龍綸晉登螭陛堯言布於天下宜載典謨
遷史藏之名山無慙筆削茲實帝王之盛豈惟儒學
之榮恭惟如樂九韶如鼎萬斛韶涵雅訓蓋平生無
未見之書刊落塵言有古人所不到之妙嘗讀梅亭
之藁喧傳薇省之詩所謂洗萬馬而空之直欲障百
川而東耳乃夾侍玉皇之香案俾共紬金匱之秘文
陳洪範九疇密贊吾皇之聖作春秋一藝襲為有宋
之經偉哉真儒成此信史某瞻斗以北與江俱東雖
莫陪駕鷺班肅上賓榮之賀儻得與牛馬走頭窺帝
典之暉倚聽褒綸別馳慶幅

代賀馬郎中

伏審進班即省敷訓蕃房以六經淑天揖之親以九

武均地官之賦初傳除目允穆師言恭惟五常白眉
一時巨擘言議如周而有草茅之氣功名如援而無
薏苡之疑乃珥筆於華軒乃為模於朱邸簡知之渥
寵數斯皇彌綸豈久於郎潛獻納遄躋於禁從某同
僚厚甚聞命躍如敢忘芹美之羞庸致厦成之賀

代賀葉秘書

伏審對剔芝璽論選蓬山楊雄之校秘書恍驚昨夢
蘇軾之可著作甚補上心賁然來思升自此矣恭惟
曾吞雲澤手攬斗魁束三傳而抱遺經合是獲麟之
筆不十年而起徒步遄歸浴鳳之池人皆曰然恨見
之晚某舊親談塵慨想顛犀文不在茲既為吾道之
賀君子至止亦寫我心之思

代賀程常博

伏審擢從學省峻立頌臺八索九丘之書既重講席
五禮六樂之教其佐秩宗均為極儒者之榮所謂妙
天下之選某屬聞誨範欣覩除綸夙夜寅清尚惜藩
房之重日月獻納有開禁索之華於穆緒言等幾紆
監

代賀尹漕

伏審借才匠監將指神臯蕭相國轉漕關中蓋為根
本之計范孟博澄清天下莫先輦轂之間上意則然
師言惟允某藐茲宗邸恃有使軺我獨二天無忘麟
趾之信厚畿方千里但瞻牡轡之光華無斃頌言等
祈涵在

代賀壽佑神

伏審天啓相門思深帝宸雖迫於典故姑俟快於祠
慶然皆爾家傳寶贊棄於鼎路世嘉元老代有聞人
恭惟寶婺流輝金莖擢秀惟君牙乃祖成績紀于太
常惟魏公諸孫論議披有風烈此豈但衣冠之盛蓋
自關宗社之休奕矣譽髦踵于王父某述聞綸綍懼
動縉紳曰學為箕學為裘文章特其餘者當用作霖
雨作禱將相真有種哉近隔雲屏遙觀泥璽

代賀別尚書

伏審漢颺周誥晉陟夏卿圻父為王瓜牙增重留都
之相寄尚書乃天喉舌仍參督相之軍謀大張天聲
聿寧江面恭惟肝膽一劔精神五兵袖有太平之書

真儒無敵於天下氣吞餘子之輩此虜已在於目中
屹然爲國之藩垣又矣簡知於旒旒適堯頭之騷屑
煩塵尾之指麾北有獫狁西有昆夷孰分憂於丙枕
出則股肱居則心膂遡趨駕於真牌於赫皇威有吾
王佐某相期竹帛快觀絲綸一命再命三命而益恭
豈但曰接夔龍之武大書特書屢書而未已尚當賦
洗兵馬之詩粵若山瞻有如江水

代賀吳尚書

伏審中詔置郵上流開桐尚書乃天喉舌寔高曳履
之班祈父爲王爪牙增重建旄之寄帝心簡在江西
聿寧恭惟學足以度越群公材足以康濟斯世前有
召父後有杜母孰知儒者之兵康若鮑叔信若尾生

兼著仁人之勇當此邊氛之瀕洞深虞江介之繹騷
狼子無厭直曰投鞭而度耳虎臣如在必將折箠而
笞之顧瞻縉紳大夫之間妙有詩書元帥之選重國
九鼎維斗一人乃勤笳鼓之西出填琵琶之北武騎
千群而無所用聞胡膽之已驚使者四輩而趣之歸
想天顏之有喜某舊同手足今籍喉衿雖江左有夷
吾可無患矣然中國相司馬其孰愈乎引瞻秦巖飛
渡溢浦

代賀岳都丞

伏審通班邃閣導旨機庭惟雲漢昭回之章寶爲大
訓惟夙夜宥密之命厥有明謨併授傑才茲爲顯渥
蓋朝廷之成幾事所賴親臣而夷狄之亂中華無甚

今日孰有平戎之策我得本兵之賢綸綍初傳縉紳
相賀恭惟材足以濟斯世學足以窺古人君子是以
似之慨想背嵬之無敵王事誰其棘矣不圖武穆之
復生大書岳字之旗盡索虜庭之氣如使知中興四
將之有後雖欲加諸華一矢而莫能乃陪帷幄之謀
甚稱衮旒之意蓋淵雲之精筆妙墨豈但論思而已
哉彼秦楚之堅甲利兵直可笑談而却耳遄觀詔璽
徑踐政塗某望履無繇彈冠有喜焚香而對楹史每
嘆倦翁之可人仰天而問階符更審相公之何日瞻
斗以北與江俱東

代賀吳尚書

伏審峻躋武部肇建戎旃制相號小朝廷密拱王畿

之近政職曰大司馬用提軍律之嚴海道江防國門
鼎重恭惟器能如諸葛亮而無其短賢良如董仲舒
而無其迂權則知變經則知常略具天及之三策元
難爲兄季難爲弟共推宇宙之兩吳故處之於上下
流之間殆不啻如左右手之眡蓋自古豈無於外患
而當今尤務於內寧乃睠北辰之居實據東南之會
統六師以平邦國豈但攘夷潤九里而及京師莫先
尊主乃開大柵以鎮近畿式遄竹帛之暉入鞞宸旒
之邃某手足何異唇齒相依念有德進而朝廷愈尊
常恐追鋒之召今真儒用而天下無敵願聞解甲之
期宏濟多難厥在茲舉

代賀黃少卿

伏審升華邃閣臨鎮雄藩無愧六一翁方過問而式
午未乃聞二三子至守闕而留陽城是行偉哉有餘
榮矣獨念某聿親講部遽遠師資老聃出函谷關悵
莫瞻於紫氣馬融上廣成頌徒結戀於絳帷無數傾
馳等幾監在

代賀史尚書

伏審光奉明綸趣還起部謀猷入告于后又探禹穴
之竒器械咸精其能更核漢朝之實增華曳履簡在
疑旒某藐是宗維欣聞宸綍君牙乃祖乃父惟帝念
哉周公之美之才有世臣矣未央慶緒等覬監紆

代賀魏侍郎

伏審渙別書贊進貳憲曹民自得於湖山久奏吳門

之最帝慨思於人物趣歸漢殿之班豈得詳刑斯象
殊縉某不勝燕賀敢後魚傳致治幾成康坐想措刑
之盛使君爲堯舜諒懷濟世之忠無數頌言切惟監
在

秋崖先生小藁卷之十五

啓

代上王提舉

方

岳

巨山

課桑麻於屬邑幸而有蘇刺史之天訊桃李於年家
寧不爲李將軍之地儻可寘之牙頰是用布其腹心
蓋以昔者孔融登元禮之門猶叙先世夫子與老聃
之契矧予兩叔同此一科愛其人者及屋上之烏肯
相忘於子姓察吾政而異兒傍之雉已難揜於先生
然則攀附者雖私情而其挈提者乃公道不知僭矣
請具陳之伏念某藐然孤蹤切有微志家惟故書耳
未能寒燈火之盟兒薄吾澤耶竟以墮塵埃之吏至

鬱鬱而居此豈區區之所期舉眼視八荒綠髮已霜
蓬之短折腰爲五斗青衫幾荷葉之枯自得邑於山
間如置身於井底參差兩政荏苒四年意者有待而
然否則既歸之又莫非王事我獨勞也諸公嘗借之
齒牙豈無他人胡不比焉父執實爲之眉目安用不
鳴之鴈自同旅汎之鳧恭惟所懷如春風其道即元
氣方落筆於蓬萊殿雖阿房賦第五而名益高如起
草於明光宮則辭林世少雙而文有體此學者之斗
北爲儒家之指南士有一經於品題語亦十倍其精
彩敢忘精白自誤雌黃但願生識韓荆州蓋久已傾
心於門墻師弟子之數安得近舍皇甫湜使無以藉
口於薦紳士大夫之間竊仰盛心必垂明聽

代上劉寺丞

百乘之家可爲之宰已熟成瓜數仞之墻不得其門
亦慙行李敢借齒牙之論略陳眉目之書苟有以藉
其口於縉紳之間則何啻被吾身以文繡之美試垂
靜聽倘辱誤知伏念某藐然孤蹤竊有微志瀾翻夜
讀燈寒幾落於簷花潦倒冥行衫老半枯於荷葉自
詭青山之縣幾成白髮之翁已日乃革已日乃孚吾
知免矣戴星而出戴星而入夫何爲哉雖微尚方雙
鳧之歸安得平原一鷄之薦幸草木之同味豈桃李
之不言庶其此行恃以自壯恭惟其道即元氣所懷
如春風羞崑崙薄蓬萊聿凝香於燕寢披琅玕器間
闔端飛翰於鰲扉凡所雌黃相傳清白一舉手一投

足而生其羽翼大丈夫用力於當世之所爲三吐哺
三握髮而假之色詞下執事待士之以禮者如此使
冀北之駑駘猶市則淮南之鷄犬亦仙委身而依劉
公夫豈無其故者下榻而待徐穉亦唯所以命之靖
惟盛心式顯嘉諾

代上李制使

砥鼎餘五色之丹曾亦淮南之鷄犬棄車下千金之
骨不幾冀北之駑駘敢陳眉目之書更借齒牙之論
蓋待以國士則雖至於再且至于三而何嫌亦豈無
他人謂特知其一未知其二而奚取莫若參苓之舊
又觀桃李之新切仰瞻慈寧以瀆告伏念某苦無奇
氣亦有壯心舉眼視八荒綠髮已霜蓬之短折腰爲

五斗青衫半荷葉之枯然雖碌碌州縣之間未肯瑣
瑣簿書而止思昔蘭亭之襍邁熏藥籠之券予不負
丞丞亦不負予惟倚春風之信鳥能擇木木豈能擇
鳥父棲明月之枝公爲此來時已自慶竊以爲兩地
之相望皆適在二天之所臨意其造物之與謀或者
功名之見逼安用不鳴之鴈覲搏已化之鷗恭惟轉
洪鈞而萬象春持清議而一諾重方出而將入而相
其紀之旂常而勒之鼎彝雖耕者農戰者兵皆歌于
田野而賀于軍旅凡百奔走願一品題迺若生識韓
荊州曾到花邊之洞安得近舍皇甫湜他尋李下之
蹊亟以此懷布之明聽予取予求而不厭詎曰前日
之是今日之非自棄自暴而弗陳則恐不失之瀆而

失之悔靖惟盛德儻賜真知

代與諸監司

某蓋聞不負知己乃能不負國家何有吾身則亦何有官爵大義所在廢言必同伏見大使尚書挺身於強韃之虎豹脫命於逆旻之梟鏡不幸失金湯之守謹以攻之試嘗論鐵石之心有足悲者凡爾見知於疇昔正欲相期於歲寒我思古人切爲浩歎劉少傅棄城池而遁去謫之台州吳武順上節鉞而贖之載在青史至今聞者相與聳然豈有平時握手出肺肝謂義結於弟兄之行而乃一旦全軀保妻子不哀鳴於君父之側敢告同門共爲削牘頭納吾儕之秩覬寬此老之華人而無禮而無儀則不如於一死侯自

我得自我失亦何憂於數官庶幾使風俗薄惡之時知猶有志氣激昂之士諒嘉輿論慨列朝街

上趙端明

士爲知己者用誰當賦歸去來兮之辭事有大謬不然輒自贊無可柰何之說試垂靜聽盡布真情伏念某初以冷官墮於窮塞交舊無虵蟒之援所挾伊何勢分有馬牛之風奚求之敢乃一見下陳蕃之榻輕千金築郭隗之臺歡若平生過於儕等豈但倒屣而迎王粲相親禮貌之間所謂逢人而說項斯每費齒牙之及甚至父兄疾則以霖雨之手而爲之脉室廬燬則勤暴露之憂而致之貲殆同休戚於一家畧無貴賤之兩眦旋觀國士遇我之意寧忘小人懷惠之

私蓋駑駘猶識於戀軒而燕雀亦知於賀厦夫何決
去莫肯爲留肯薄淮陽耶自難啓躡嚙之口不負臨
賀者其奚愛么麼之身然以窮鬼之欺凌不堪奇禍
之竊發始則故里有王參元之火繼而舉家懷秦越
人之憂伯兄竟歿於異鄉旅襯未歸於厚土至若老
者風淫之已甚爲之人子雨泣而危之今殆生無以
居而死無以藏不但老之爲喜而病之爲懼我之懷
矣亦何幸於依劉天實爲之曾莫如於返魯大非得
已敢不具陳欲望惻然於穎叔之言賜之以毛義之
檄烏傷而哺庶幾晚歲之安鷹飽則颺不可同年而
語誓以桑榆之境重歸桃李之蹊

秋崖先生小藁卷之十五

秋崖先生小藁卷之十六

方岳

巨山

啓

回朱尉

伏以傳吳氏之隱梅謹然旁午倚魯宮而采藻幸甚
同寅辱魚腹之遞緘喜馬蹄之壓境占辭已晚有醜
謂何恭惟某官筆下波瀾之老成胸中丘壑之灑落
將軍百戰胡爲看市人之先封兄弟二難頗亦怪大
夫之後殿黃綃吐辭之絕妙青衫入手而未甘謂當
綴天上星辰之班乃復墮人間神仙之吏鼠輩相目
此其聰明尉耶鵝序有言且爲清望官矣某泥古之
學背時而馳讀賢於十從事之書知同臭味賦不願

萬戶侯之句快觀光塵

回劉學錄

某得劉公一紙書知爲畏友笑邊生五經笥敢曰吾師願從山水之間共尋文字之樂伏惟某官刊落訓故深繹典墳歲貢鄉曲英已快雲天之橫鷲妙在言語外當爲學海之老龍若徒擷其葩華恐自枯於根本正不必泥古人之糟粕甚至於以箕子爲荻滋言觀訓誥誓命之文要識唐虞成周之際庶乎有得奚患無聞某技止黔驢朴如鄭鼠齧晦庵之遺響敬佩贈言訪醉翁之舊遊倚需投分尚邀傾倒相與發揮

回趙學正

某問訊二三子雅聞趙日之溫緬懷六一翁過奉郇

雲之麗士氣振矣我心寫兮伏惟某官蘭倚倚而自香菊鮮鮮而獨秀少日彫蟲之賦慨壯夫之不爲今者伯魚之詩幾古人之可到靖惟吾道匪在陳言蓋此心即堯舜之心其所學必孔周之學儒之謂貴君豈苟云若徒疲精於摘章繪句之間可以得意於舍英咀華之外斯文關百聖之統觀明辨之盛名懸千佛之經特餘事耳某了無器局奚以範模人之患在爲師其惟欽枉古之學者爲已當共書紳深幸得朋無忘規我

回張學正

某與滁人遊瑣瑣愧一經之陋有賢者在琅琅記三篋之遺蔚然秀峰得此益友伏惟某官鄙家傳於黃

石換仙骨於赤松兩上鄉書每爲子大夫之首幾年
侯類久傾衆朋友之心惟領袖之非難必紀綱之自
肅子帥以正何憊乎同隊之魚人得而輕則必有敗
羣之馬欲覘所學奚止於文頌言淡墨之題式快蜚
黃之迅某自知其拙見謂之迂冠者五六人端共詩
書之樂山行六七里喜聞翰墨之香不頌而規乃予
所望

回曹直學

某采芹藻之香何宰相從於衆楚挹芝蘭之秀孰云
無缺於百參睠然裁緘喜甚折屐伏惟某官妙六義
四始之旨遺一唱三歎之音獻賢能之書于王有嘉
薦鸚升俊秀之士於學增重堂鱣惟此子衿言觀領
袖必操履之正者豈辭章而已哉識字幾何驚異言
之太甚持身惟謹喜允說以相資式邁甲乙之科少
售辛勤之志某蚤遊諸老自守一癯學不講德不脩
敬佩聖言於洙泗年相若道相似每慙師說於昌黎
何以見規竦然改聽

回周學錄

某遡瑯琊之深秀行矣鱣堂玩瓊玉之菁華如聞豹
略有士若此我心則爽伏惟某官蔚乎傳太公望之
書浩然投班定遠之筆策勲汗馬固嘗登灞岸而望
長安疲精蠹魚要當繇河汾以挹洙泗必有胷中之
兵甲匪徒陌上之弓刀時時以古今澆之豈無識者
區區爲利祿計耳亦安取斯會有息言不視功載某

小意卷十六
三
枵然無學矣以爲師緬懷六一翁每歌豐樂之記願
與二三子共守文昭之箴如切如磋勿迂勿泛

回周糾彈

某辱教之及荷意甚厯糾豈易然是謂一學之風憲
身率先耳毋羞諸子之月評跋相觀於俎豆之間要
自得於翰墨之外功名入手何哉足以爲重輕歲月
到頭勉矣擇之於賢否匪伊胥晤共話所懷

回戴學諭

某辱問勤儉發緘恐慙擬人必於其倫柰何孔孟予
也遜汝求諸非道奚以籍湜輩爲靖言吾黨之交情
可略世俗之駢語勿憚改過繼今畫緘慙之辭在好
爲師正有不範模之患友直友諒是究是圖

回蔣學諭

某辱書感甚啓讀竦然見一刺史即周孔之魯何幅
尺非大丈夫無趙孟者枉以直尋其孰敢當抑予之
過求之方冊願無忘燈火之一寒安得圓機亦欲扣
風煙之三逕言之喋喋意則拳拳

回徐齋諭

某濫塵經席端奉書函患在好爲師已切式微之嘆
未有不須友敬歌伐木之章敢致贈言因以報貺挑
達而云挑闢豈真誤歟弄璋而寫弄麈恐貽譏矣幸
毋憚蠅頭之細更詳稽馬尾之訛

回湯掌儀

某猥辱長牋備聞高誼師道不古今直章句之云儒

行無他亦曰綱常而已嘉與吾黨深跂前修抑抑威儀子勿俄於側弁袞袞臺省吾何歎於無龜少須拱揖之間覘見藏修之益

回蔣齋長

某未奉匿屣遽勤傳鯉文以會友敢陳古學之緒餘患在爲師安有國人之矜式乎則曰用力之銳吾正憂見道之難優而柔之當如江海之浸嘍其歎矣物無山嶽之高心之精微語則粗淺

回葉教諭

某交龜屬耳烹鯉楚然謂王通講太平之書不過專於泥古然賈誼陳治安之策乃以直而迂時其爲獨冷之官墮在極寒之塞仰韓公之斗恐負深期披樂

廣之雲或傾高論勉旃自力毋逸乃心

回翟齋諭

某簪盍有期牋題甚寵倚博士之席其何以堪見逢掖之衣云胡不喜佳哉山水容此圖書詩有六義焉當共話爐亭之雨子來幾日矣後詠歸沂浴之風勉爾好修無忘忠告

回薛集正

某幸甚論交睠然辱問師道不立久矣以我奚爲人心所存者何惟子之勉如但優於分數正恐失之毫釐見所見聞所聞是之審耳德其德道其道亦焉取斯不曰文乎又其細者

回徐學諭

某茲辱乃翁彈冠有書啣袖得賢父子而與語寫我心兮遡佳山水而共遊則吾道在咨爾青衿之樂豈惟黃綃之辭鳳閣絲綸於予奚取鯉庭詩禮期子無忘勉哉惟時行矣胥晤

回奚監酒

粵起鱸堂小留虎帳談笑青油幕安用腐儒飛墮碧雲殘甚慙鄉友此豈醉翁之誤我政恐空山之怨人不曰師乎何厭廣文之冷按其尤者孰云處士之良尚邀粉社之春毋靳藥言之益

回許察推

騎鶴記揚州之夢曾話辛勤烹魚得故人之書喜同寅協君子至止我心寫兮恭惟某官飽鑑湖一曲

秋詠剡水三更之雪要是放翁宅相詩派有傳得非許遠家兒邊城獨勇佐大相芙蓉之府尋平山楊柳之春飛書塞北之風沙特餘事耳歌枕江南之煙雨寧久此乎某別去幾何傾翹已甚倚博士之席甘老鱸堂着從事之衫苦留烏幕歎毛錐子之安用笑田舍翁其盍歸問訊黃花坐想馬蹄之疾笑談清夜願聞塵尾之餘

回王高郵

伏審銅符分虎金印視龜登堂而宣上德音重見太平之官府下車而問民疾苦第行簡靜之文書邊壘晏然屢氓歡甚恭惟某官老成而其慮定重厚而其材宏惟軍旅俎豆兼聞之自得詩書之趣謂太尉丞

相尊等耳奚分文武之岐乃接筆於蟲魚注爾雅之時自立幟於貂蟬出兜鍪之句不視功載越有戰多塞草秋黃防衆狙之羣嘯淮山暮紫勞五馬以再來訊之甓社之珠隱若長城之寶遄觀偉績式對褒綸其翹想匿犀猥勤傳鯉今將軍計安出其遂洗天河之兵雖書生無能爲或可作浯溪之頌願言凱奏於赫皇靈

回沈宰

伏審雲飛鳧鳥春洽雉郊事大夫之賢坐想彈琴而治去父母之國何當騎竹而迎遠哉遙遙于以負負恭惟某官毫端茗雪之秀曾襟湖海之豪孤嘯風煙未覺休文之詩瘦獨醒塵滓寧甘東老之書貧縱不

盛之白玉之堂奚至屈此青山之縣民瘼極矣吏奸柰何如使倒持太阿而授之焉用若發新硯之爲者一牛橫笛第令安雨外之耕五鳳塗芝政恐有日邊之召願言公尹留惠疲氓某起從田間寘之幕底邊城吹角毛錐顧安用哉茅屋生苔老生亦欲歸耳自笑儒冠之誤每思農畝之荒望美人兮一涯庶幾玉我共明月於千里翹企金相

回趙潛

寒車帷而巡所部固嘗瞻韓斗之光遺幕府而人爲書久不報郇雲之妙豈有使者撝謙之至此而爲掾曹偃蹇以自如政使病風喪心之人猶知矜已傲物之禍况以賤而事貴亦何恃而敢然請具陳之在所

貸矣伏念某比聞親老道感風寒亟馳至於都門端
奉迎於官舍幾廢人事第親方書幸茲喜懼之年纔
有壽康之望惟是晨昏定省之不暇莫知日月往來
之淺深每吐舌以自驚屢濡毫而復止念韓愈亦人
耳心敢傲於翰林抑茅容有毋焉禮未遑於重客深
愧子家之執訊竟無殷浩之空函時惟不避之辜所
恃有容之量敢望某官待人以恕及老以慈察其承
顏接辭已懷慕蘭之志何至掃影滅迹自取簡驩之
誅輒布其愚幸垂之聽

回丘憲

某昨以行告宜若禮然乃勤界玉之題遠致兼金之
饋可以予可以無予此奚爲司府之頒謀之臧謀之
不臧或正坐浮家之請噬臍何及拜手惟慙蓋以卻
之不恭夫豈受之而是泛刻曲夜深之雪已借一帆
遡江東日暮之雲莫殫万緒竦趨輦轂肅紅緘騰

回朱制幹

思鱸解去柰何主金耀之書騎鶴復來奚以贊玉垣
之畫獨喜衛察之君子率皆冀剖之故人夙已會心
歡其晤語恭惟某官辯足以折玉麈思足以集千鳥
幕府翱翔信有瓊花之詩債邊城騷屑小迂玉笋之
仙班誰言官閣之梅幾老山莊之橘賴吾此客增重
元戎小卻盛之白玉堂聞且召美古云樂者青油幕
寧久居乎某曩舉芙蓉味同草木許身何愚而自比
稷契恐貽笑大方之家同官盡俊而偏善柳劉不妨

回俗士之駕豈其久要而我遐遺

回李簿

青山擁縣有嘉棲枳之鸞綠水護田誰記去家之鶴
峯來瑤宇如見玉人恭惟某官輩行則魯靈光器韻
則禹神鼎蓋謫仙人之苗裔無敵於詩何飛將軍之
聲名不侯如故安有學者之北斗屈於進士之南廊
帝曰嗟哉公等何見晚也仕其漫耳高人亦主簿耶
第聞鄉曲之誦言少紆田里之愁歎幸無忘於鐵硯
許重對於金鑿立登政塗厥有故事某起從檄檣幾
化兜鍪多病每思故廬曾莫逐畢方之祟此曹宜束
高閣何當低太白之芒乃司金耀之書仍贊玉垣之
畫其誰歸我所欠識公萬戶韓荊州今之眠昔一詣

習鑿齒秋以為期斷金則同報瓊焉有

回張制幾

公車飛剡帥閩借籌人物淋漓鷓鴣鳴四郊之多憂時
事如此孰為萬里之長城兼得一賢重增九鼎之
某官以燕公大手之筆傳教城老父之書者乃知
兵乎用能決千里之勝丈夫書為真耳某亦此三書
之士試嘗擬拔輿地之圖固已熟致禁夾之外彼為
平強吾為乎勝戰何為勝者何為堅了然中始猶
燭照而龜卜運諸掌上寧慮秋高而馬肥有傳考
之招式獲甲兵之洗改悲青油輝奕誰贊得贊主人
然有紫禁煙花誰火銷天下士來遊者已去于思後
來前度劉郎絕數桃花之老我欲風張翰於懷某

之可人又將歐歸去來考之歸非姑作居無幾何之
計功名付公事相期久遠之看煙水有吾廬儘遠寬
爾之適願言載色來歸此心

回士友

某自揆何人有來秀句表輩畏名如畏虎欲捲錦鯨
而還之書生得句勝得香後貪黃絹之妙甚愧愧衰
衰之誤敢輕絲一之縷

回鮑上舍

某昨辱高軒過予遊旅適千里見似人而喜况獲鄉
粉得一紙賢從事之書第嘉辭藻乃苦歎儒冠之誤
恨相逢客路之寒因索笑於梅簪欲賦歸於茅屋視
吾舌在雅無取縱橫之家與予目成當有識離騷之

妙

回黃宰

伏審齊飛五鳳趣駕雙鳧相傳紫橐之家直聽履而
上耳不鄙青山之縣欲彈琴而治之覺松竹之自矜
與草萊而相賀恭惟某官家聲江夏人傑洪都左圖
右史之徃來無虛名下南浦西山之朝莫盡在胷中
故嘗出其緒餘所至爲之特立謂且破拘攣之格便
當趨禁近之斑璽絲乎保障乎方軫垂旒之念野馬
也塵埃也亦煩製錦之材然而四轄六院之除多在
一同五月之最民望攸屬公行勿遲某自塵一科不
當十稔拙於涉世曾掌故之幾何放以還山煩惠文
之彈去今既久於耕雨亦無復於問天但得縣公如

漢吏之循則與里老共滕氓之幸看山無笏或容野
服而迎種樹有書儻遂巖棲之托其非公事寧敢私
陳

回衆官

某瓦礫先廬又燼王參元之火蓬蒿舊逕僑遷張仲
蔚之居不堪上雨而旁風豈但仰天而見月爾乃瀟
疏之暇略加生草之茨雲住半間還是玉川之屋談
傾四座寧容金谷之車何誤聽聞肯幸臨况不特小
人之環堵莫當長者之移尊且聽琴宓賤之堂尚煩
卻去詎載酒楊雄之宅而獨偃然庸敢固辭嗣殫深
謝

又

某將拜連壁之翰極佩斷金之心雖微突兀眼前瞻
烏之止誰屋而乃推敲月底下馬之氣如虹不圖至
于再三夫豈容於執一如自坐東鄉肯爲風月之主
人當掛起西窓留作雲山之佳話

回趙尉

伏審趨舍人裝隱神仙吏一琴一鶴故有家風八人
八龍雅聞譽處胡齮刺鱷之手小煩射鴨之弓恭惟
某官冰雪照人風煙滿抱衢故太末也盡攬爛柯之
竒尉其真仙乎式瞻喬木之古雖深水欠孟郊之句
顧吳門有梅福之書奚事弓刀少迂塗轍高眠田里
北鄙今無狐貍重酌江山西臺當有鸚鵡某拙于涉
世放以還山杞未棘而菊未莎吾耕勞止荷爲衣兮

蘭爲佩公望久之得無脩容則降旣見

回趙縣丞

伏以藍田千竹喜入吟邊揚子一壩適在宇下雖若
燕鴻之避雅聞笙鶴之音恭惟某官曾有層巒身爲
盤石提筆秋風之戰鵬已疊雙袖笏樵溪之遊鴻方
漸陸腕或肯排雲而罷閭闔安知不跨海而望蓬萊
資歷拘之歎息久矣世豈舍我姑徐徐六月之飛丞
不負予寧鬱鬱千山之底式過薦墨不次除綸某久
卧秋崖偶塵壁水開緘見諫議之函三印斜封論文
敵開府之詩一樽荷日有懷注仰無斃戢藏

回景獻郎

某平生大繆纒脫小銓青衫半荷葉之枯不勝歷落
白髮盡霜蓬之茁亦笑宜教茫未控於謝言遽有來
於慶牘全殆可去矣敢稽誦部之番此何以賀歟已
後賓榮之敬

回蔡王

荷席賢關久慙衿佩橫經公族何取範模極知北海
之疎無補東平之樂恭惟某官受系宗祏挺生神明
建丹第以屏周有辯棣華之鄂錫純嘏以保魯誕開
茅土之苴雅聞密勿於縉紳番意討論於載籍文昭
武穆信知龍種之自殊沛易楚詩寧許豹麝之時見
夫何朴學仰稱盛心某懷刺未漫辱書良寵謙卑以
自牧也乃能無獻子之家貧賤者驕人乎豈在設穆
生之醴

回程學諭

白雪千莖吾生行且休矣陽春一曲遠道胡爲來哉
迥如清曉南枝之花更是大江東去之調把玩不容
於釋手摧頽亦復以驚心有蓼者莪誰無犬馬之養
維桑及梓寧勿尊鱸之思况當大學藝鹽之時敢作
生日湯餅之夢美人青玉案真是暗投小奚古錦囊
第當重襲

回景獻郎

吾年如此已驚蒲柳之秋人壽幾何又見桑蓬之旦
乃重煩於後騎終不棄於前魚講堂之昨夢恍然書
卷之故情甚厚五十學易笑屈指之無多八千爲春
愧贈言之何有

回南康軍舉人第一名熊東之

籍甚文名老熊當道褒然舉首凡馬空羣得聖人筆
削之心重鄉老賓與之選恭惟妙探絕學獨抱遺經
誰不黜伯而尊王是陳言耳或者褒子而貶父如名
義何放出一頭了無衆手以此戰何不克得臣將寓
目焉惟不矜莫與爭晉霸在此行矣

回第二名陳大猷

衆人逐鹿何有何亡老手射鵬每發每中雖曹參之
第二知李廣之無雙恭惟熟講中庸卓爲茂異許孟
容有禮學典章多所裁之公孫弘舉賢良郡國無以
易也迄援袍而再鼓又按幟以先登鹿洞古而聘君
來莫如之子鬻洲圓而狀元出其在此行

第三名劉震酉

項羽敵萬不亦壯哉荀伯在三幾少屈矣歎伏老蒼之筆驚嗟英妙之年恭惟賦聲摩空詩才論斗文章有氣意其與廬山高學問藏身乃亦如柳子大於此見士之秀何必曰老而成勉旃此行逐鹿斫廣寒之桂毋曰得意躍馬看長安之花

第四名手震龍

經窮義畫妙在函三帝謂晉公合居第四真是射鵰之手又登薦鶚之書恭惟風雲軒軒燈火兀兀文章則有若司馬蚤負倚聲郡國無以易公孫每先賓貢在此行矣其必勉之聲圓而神已作連茹彙征之兆氣剛以直無爲看花得意之詩

第五名于方

失李方叔五色已迷得曾南豐一言可決亦喜窮波斯之識寶要是古戰場之驚人恭惟能讀三墳之書自成一家之學衆人固不識也幾爲甕下之棄遺小子不知裁之真似暗中之摸索忽驚傑作足張吾軍其必勉之奮修鱗於春蟄毋令或者笑老眼之冬烘

第六名段夢賢

登樓王粲賦自有聲入洛陸機年不可及遂占易爻之六獨當筆陣之千恭惟譜傳甲族於文昌學富酉陽之雜俎八叉手頃已成擲地之奇五色日中頓有摩空之想是亦英妙賓貢能三薦一門可想詩書之盛重闈雙慶又觀袍笏之歸

第七名黃桂

詩有六義大肆厥辭作者七人適當其數偉橫秋之
健翻遄擊水以雄飛恭惟筆墨無塵詩書有種千人
小異嘗識君賓退之交三年不鳴果驚人文戰之捷
勉圖遠業亟奮脩程今仲舒何如古仲舒但喜姓名
之似杜子夏自爲兩子夏不妨科目之同

第八名何德新

太冲妙思賦必十年荀鶴異才名高第八要是摩空
之手不孤擲地之聲恭惟脩水之英弘齋之學垂髫
穎異孟母之賢可知落筆老蒼何蕃之歸復別果鏘
文響勇拔薦書有客點頭不負平生之燈火爲君燒
尾頓驚一夕之風雷

第九名陳道可

周有六官雅聞作者陽爲九數屈使屠之聿登天府
之賢書知是年家之子姓恭惟志在姬旦學於河汾
我思伯兮有一千佛名經之在人言今者當十九年
繼霸之時名果不虛書寧無種苟明經取科第豈惟
家世之相仍以是編致太平罔俾古人之專羨

第十名彭夢文

老彭世家故多學者伏生口授類以書聞是興大比
之賢適在就盈之數恭惟廬山之秀疆齊之宗怪怪
竒竒遂入不雷同之眼渾渾噩噩更須極潛聖之心
願鼓行於南宮必改圖而東轍文章官樣自是朱衣
之點頭衣鉢家傳豈但青衫之入手

第十一名李鏞

廬山之陽居多人傑弘齋之後今見聞孫遂以伏羲之書來群鳴鹿之彥恭惟夢吞三畫辭闢九師爾尚迪前人探花開庚戌之榜式克至今日齊芳適甲子之周若有數然厥在此矣山房九十卷難藏文字之光臚傳第一人當入衣冠之盛

第十二名劉夢六

精神之接非想非因文字之祥不五不七豈以音同於袍色宜乎名在於薦書恭惟早有賦聲信爲人瑞翁忍窮而教子書豈窮人文得助則通神居吾助汝遽然有傑訊以化鵬插翮九霄以其數則然矣連鰲一釣將與子其成之

第十三名陳

名登薦書勲在翰府十三卦之取象正得異才二千石之觀光亦驚老眼恭惟秀出玉峽鏘爲金聲泉石地靈况是鹿眠之諸子文字天巧難稽鯤化之脩程維其勉旃在此行矣文惠公之衣鉢毋曰遙遙臚句傳之姓名自當表表

第十四名凌鼎龍

上林司馬氣欲凌雲北冥有鯤風斯運海快矣天池之徙飄其月府之登恭惟擲地文聲補天賦手雕蟲篆刻何恨中眉之三薦鶚橫飛遂聯科目之一幸甚觀駕勉旃着鞭亦步亦趨我則慙爲於鷄口必勝必取君當勇跨於鰲頭

第十五名利卓

半水采芹雅知能賦秋風撒棘相賀得人足爲鄉校
之光未覺廬山之老恭惟人今而心古齒宿而意新
白髮無情每歎中眉之屢青衫有種未嫌入手之遲
竟擅名場觀光上國衛靈之第十五牛後何居莊冥
之擊三千鵬飛訊矣壯哉晚節其在此行

秋崖先生小藁卷之十六

